

թիւն, այլ մեծ դատաստան Աստուծոյ ի վերայ հոգոց նոցա (-) : Անէծք էր ի վերայ նոցա առաքելոց և հայրապետաց եւ Սուրբ Լուսաւորչին մերոյ, որք երեսփոխան գոլով Քրիստոսի՝ սահմանադրեցին կարգս ուղիղս կաթուղիկէ եկեղեցոյ : Սոքա արհամարհողք գտան օրինաց նոցա, եւ որոմ չարին էր զոր առնէին, որոմ բուսանէր եւ ոչ ցորեան յըշտեմարանս Աստուծոյ : Եթէ ի ժողովեալ դրամիցն հայէին զորբս, սիոփէին զայրիս, մխիթարէին զօտարս, ընդունէին զպանդուխտս, ողորմէին աղքատի, զգեցուցանէին զմերկս, հանէին զբանտարգեալս, պաշտպանէին զհիււանդս, ազատէին զգերեալս, նաև զայլս որ վասն հարկապահանջութեան չարչարին ի ձեռս այլասեռից. այսօքիկ ամենայն անտէրունչք¹⁾ (է) : Եթէ զխղճութիւնս սոցունց²⁾ յերկարեցից՝ կարծեմ թէ լսելեաց ձանձրութիւն գրեցից. որք բազումք յանձարակութենէ եւ ի չքաւորութենէ զսուրբ հաւատան ուրանային : Քանզի երթային ի գրունս նոցա դեգերէին հայցել ողորմութիւն կամ նամակս, զի յեկեղեցիսն քրիստոնէիցն ժողով արասցեն, զի նոքա էին տվողք աւրհնութեան նամակաց. ոչ հայէին յերեսս նոցա և կամ ի միմեանս յուզարկէին, վասն որոյ և փորձանաց դիպեալք ազգի ազգի՝ և ի նոյն մնային : Այսքան եկք արծաթի և ողորմութեան ամենայն ընդունայն մսխեալ, և թէ ասիցէք՝ ո՞վ է յազգի առնող զայդոսիկ, յիրաւի տեղացիք քաղաքիս ունեցեալ՝ մասնաւորապէս ուսեալք ի նախնեաց՝ որպէս և այլազգիք. և թէ այլազգացն

1) անտերունչք.

2) սուցունց.

(-) «Բարձեալ են իբուռնք յերեսաց նորս» :

(է) «Ասաց ի սրտի իւրում՝ թէ ոչ սասանեցայց ազգէ յազգ առանց չարիս Անիծիւք եւ դաւնութեամբ եւ նենգութեամբ լի է բերան նորս եւ ի ներքոյ յեզուի նորս ցաւք եւ վաստակք» :